

ИГОЗСУЧА



ЗАМ, ТЭЭВРИЙН САЙДЫН
ЗӨВЛӨЛИЙН ХУРАЛДААНЫ
ТЭМДЭГЛЭЛ ЭЭС

2013 оны 11 сарын 22 өдөр

Дугаар 30

Улаанбаатар хот

ХЭЛЭЛЦСЭН нь:

Иргэний нисэхийн салбарын ажиглалтын радиолокатор, навигацийн тоног төхөөрөмжийн хангалтыг сайжруулах 2013 оны үйл ажиллагаанд хяналт-шинжилгээ, үнэлгээ хийсэн тухай

ШИЙДВЭРЛЭСЭН нь:

1. Иргэний нисэхийн салбарын ажиглалтын радиолокатор, навигацийн тоног төхөөрөмжийн хангалтыг сайжруулах чиглэлээр тусгай хөтөлбөр, төлөвлөгөөг боловсруулан Зам, тээврийн сайдын “Ойрын үед хэрэгжүүлэх арга хэмжээний төлөвлөгөө батлах тухай” 2013 оны 126 дугаар тушаалаар батлагдсан төлөвлөгөөнд заасан “Иргэний нисэхийн салбарын хөрөнгө оруулалтын дунд хугацааны хөтөлбөр”-т тусган 2014 оны 1 дүгээр улиралд багтаан Зам, тээврийн сайдын зөвлөлөөр хэлэлцүүлж батлуулахыг Санхүү, хөрөнгө оруулалтын хэлтэс, Агаарын тээврийн бодлогын хэрэгжилтийг зохицуулах хэлтэст тус тус даалгав.

2. Иргэний нисэхийн өрөнхий газрын дарга /С.Буяндалай/-д дараах арга хэмжээг 2014 оны 1 дүгээр улиралд багтаан авч хэрэгжүүлэхийг үүрэг болгов. Үүнд:

2.1. Техник-эдийн засгийн нарийвчилсан үндэслэл боловсруулан хэлэлцүүлж салбарын ажиглалтын радиолокатор, навигацийн тоног төхөөрөмжийн хангалтыг сайжруулах цогц арга хэмжээг авч хэрэгжүүлэх, бодит ажиглалтын систем суурилуулах асуудлыг цаг алдалгүй шийдвэрлэх, эдгээр асуудлыг хөрөнгө оруулалтын дунд хугацааны хөтөлбөртөө тусган хэрэгжүүлэх;

2.2. “Төрөөс иргэний нисэхийн салбарт 2020 он хүртэл баримтлах бодлого”-ын 5.2.2-т “...үзүүлэлтэд тулгуурласан навигаци (PBN) концепцийг 2020 он хүртэл тус тус бүрэн хэрэгжүүлж нислэгийн аюулгүй байдлыг сайжруулна” гэж заасны дагуу Олон улсын иргэний нисэхийн байгууллагаас гаргасан шаардлага зөвлөмжийг үндэслэн “Үзүүлэлтэд тулгуурласан навигаци /PBN/” системийг хөгжүүлэх хөтөлбөр, төлөвлөгөө боловсруулж шийдвэрлүүлэх;

5043

2.3. Нислэгийн удирдагч нарын англи хэлний мэдлэгийн түвшинг нисэхийн англи хэлний дөрөвдүгээр түвшинд хүргэх ажлыг зохион байгуулах;

2.4. “Төрийн болон орон нутгийн өмчийн хөрөнгөөр бараа, ажил, үйлчилгээ худалдан авах тухай” хуулийн 3.4 дэх “... үндэсний аюулгүй байдлыг хангахтай холбоотой тусгай зориулалтын тоног төхөөрөмж, байгууламж, ажил, үйлчилгээ ...” гэсэн заалттай нийцүүлэн иргэний нисэхийн аюулгүй ажиллагааны болон ажиглалтын радиолокатор, навигацийн тоног төхөөрөмжийг шууд гэрээ байгуулан худалдан авах чиглэлээр тайлбар, танилцуулга бэлтгэн 2013 оны 12 дугаар сарын 06-ны дотор яаманд ирүүлж, биечлэн танилцуулах;

2.5. “Суудлын автомашины талаар авах зарим арга хэмжээний тухай” Засгийн газрын 2007 оны 349 дүгээр тогтоолын дагуу ИНЕГ-ын дарга нар хотын дотор ажлын хэрэгцээнд суудлын автомашин хэрэглэх, тус газрын дарга нарын одоо ашиглаж байгаа туулах чадвар өндөртэй жийп машинуудаар навигацийн системийн тоног төхөөрөмжийн засвар үйлчилгээг хариуцдаг инженер, техникийн ажилтнуудын хөдөө, орон нутагт албан томилолтоор явахад техник, тоног төхөөрөмж тээвэрлүүлж байх, Нислэг техникийн осол, зөрчлийг шинжлэн шалгах албанд мөн зориулалтын туулах чадвар өндөртэй жийп машин гаргаж өгөх замаар албан ажлын суудлын автомашины хэрэглэх асуудлыг зохион байгуулах;

